



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt IX. Non propterea nuptias damnari, quia libido vituperetur.

[urn:nbn:de:hbz:466:1-46059](#)

esset & tatis beneficio liberatus. Quo igitur & sapientes carere cupiunt, & senes liberatos se esse lætantur, id puto malum non in Paradiso collocandum, neque diuino operi atque institutioni tribuendum esse; verum ad inobedientię potius iustissimam pœnam pertinere. Sed homo intelligens & acutus Iulianus, propterea iustum esse dicebat oportere libidinem, & laudis præcōnio prædicandam, si eum qui Deo non obediuit, hæc frenandæ libidinis rebellio puniuisset. Cui respondens Augustinus, Si prudenter h̄ic saperes, inquit, profectò esse iniquitatem videres, qua pars inferior hominis repugnat superiori atque meliori: & tamen iuste iniquum suæ carnis punitum iniquitatę, sicut est rex iniquus maligni spiritus iniquitate punitus.

*Lib. 5. contra
Iulian. cap. 3.*

CAPVT IX.

Non propterea nuptias damnari, quia libido vituperetur.

CÆTERVM cùm hæc de libidinis malo dicimus, nuptias fortassis damnare videmur; sed iis qui nesciunt adhærentia rebus vitia ab ipsis rerum naturis discernere: velut si reficiendi corporis gratia cibum sumere, propterea existimaretur improbari, quod vitioso gulæ motu plerunque à comedentibus peccari videretur. Ut enim huic officio sustentandis corporibus necessario nimium sæpe crapula vicina est; nec tamen damnatur proprij corporis quæ edendo fit bibendoq. refectio; quia aliud est quod auctor naturæ Deus instituit, aliud quod nostro vitio in rem bene sapienterque institutam, irrepsit: ita generandi officium, quo non singulis corporibus sustentandis, sed generi conservando propagandoque consultitur, non propterea damnari censendū est, quod illa quæ huic post lapsum adhæsit libido damnetur. Namque & h̄ic aliud est quod ad procreandam prolem sapientissimè Deus instituit; aliud quod per inobedientiam primorum pa-

K S

rentum

rentum innasit, diuinumque maculauit opus. Ne quo
enim & angelicam in dæmonibus spiritualemque na-
turam damnari quisquam putat qui bona mente pra-
ditus sit, propterea quod ita vitiis depravata dicatur,
vt se iam non possit ad iustitiae conuertere sanitatem.
Bonas igitur esse nuptias modis omnibus afferimus
sed iis in bonis, quæ propria sunt nuptiarum. Atque in
illis quod fecit Deus ita laudamus; vt tamen quod in
eas homo transmisit, vituperemus. Nuptiarum autem
propria sunt tria hæc, generandi ordinatio, fides pudici-
tia, connubij sacramentum. quorū vnumquodque
diuinis literis comprobatum commendatumque re-
peritur. Namque propter ordinationem generadi scri-
ptum est: Volo iuniores nubere, filios procreare, ma-
tresfamilias esse. propter fidem pudicitia: Vxor nō ha-
bet potestatem corporis sui, sed vir: similiter & vir non
habet potestatē corporis sui, sed mulier. Propter Con-
iugij sacramētum illud est in Euangēlio, Quod Deus
coniunxit homo non separat. Propter hæc igitur om-
nia sunt (quemadmodum Apostolus ait) Nuptiæ ho-
norabiles in omnibus, & thorax immaculatus. ac tan-
tum abest vt damnari debeant propter libidinis adhæ-
rens malum, vt de hoc ipso malo quo nisi ratio nihil
vti rectè potest, plurimum etiam faciat boni. Ad pro-
creandam enim prolem sacri Baptismi lauacro rege-
nerandam, à sanctis coniungibus maritalis illa diuini-
tus instituta congressio suscipitur: sicuti sanè & pro-
pter eam causam fieri debere matrimoniales olim in-
ter Romanos tabulæ decreuerunt. Quæ tametsi pro-
pter corpus mortis huius quod nondum est resurrec-
tionē renouatum, sine erubescendo quodam motu
peragi non possit; per seipsum tamen & suapte natura
bona est, nec culpæ quicquam ex illo motu contrahit,
quando ad illius boni quod diximus tantummodo si-
nem, ratione dominante, non præualente concupiscen-

1. Timoth. 5.

tia carnis, ordinatur. Sicut igitur cùm quispiam torto aut alioqui vitiato pede quò vult peruenit claudicando, nec propter claudicationis malum mala est ipsa peruentio, nec propter bonum peruentio est laudanda claudicatio: ita nec propter libidinis malum nuptias condemnare, nec propter nuptiarum bonum libidinem laudare debemus. verùm quòd is modò est rerum status, eaque mortaliū conditio, vt simul agantur concubitus & libido, tanquam peruentio & claudicatio, neque facile aliter quām in statu hoc suo ab hominibus natura humana concipitur, perinde atque si nemo progreedi visus esset nisi qui claudicaret: eo fit vt cùm libido reprehenditur, etiam nuptialis concubitus licitus & honestus reprehendi putetur, ab iis qui nolunt discernere ista vel nesciunt. Quo in numero fuere Pelagiani, à quibus Orthodoxi, & originalis assertione peccati, Catholice fidei propugnatores, Manichæi per calumniam dicebantur: propterea quòd iudicarent vel certè fingerent necesse esse, vt ab iis natura hominis tanquam mala damnaretur, à quibus ea dicerentur esse mala, cum quibus & nascerentur omnes, & crescerent, quæque tanta inhærescerent firmitate, vt neque summa excuti possent contentionе virtutis. Sed sicuti bonus est per seipsum intellectus, et si in nemine fortassis vel studiosissimo, careat ignorantia veri: & bona suapte natura voluntas siue appetendi facultas, etiamsi quantumlibet expedire se conetur, non sit expers concupiscentiæ: ita omnino bonus est per seipsum concubitus cōingalis, nec ad eius culpam vituperationemq. pertinet libidinis vitium, quamuis eo iam carere non possit. Si autem peccato non esset generis nostri de honestata natura, carerent prorsuseo morbo nuptiæ. Cur enim morbum non appellem, ex quo nō valemus ut volumus? Libido pudenda, inquit Augustinus, non moueat membra, nisi quando volu-

*Libro 2. de
nups. & con-
cupise. cap. 23.
nus,*

mus, & non est morbus. hoc igitur morbo nuptiæ summa Paradisi sanitate & integritate, nullo modo laborassent: sed sicut ad ambulandum pedes, ad operandum manus, linguam ad loquendum, nunc & iusta corruptione libera ratio mouet: ita tunc quoque genitalia membra non libidinis æstus, sed voluntariatus mouisset. Quod si qui propterea non putent credendum, quia tantæ modò puritatis exemplibus in humanis exstare nullum videatur; non credant idem oportet, virum illum qui primus omnium fuit non de viro, sed de luto procreatorem, & ei feminam latere dormientis excitatam. Quid enim horum iam simile? Sed sicuti hæc facta sine exemplo credunt, qui diuinis literis narrantibus asseruntur: ita illi quoque rei fidem ab his conciliare debet, quod scriptum est de generis nostri principibus, Erant ambo nudi, & nomen non confundebantur.

CAPVT x.

Hac quoque in parte diminutum esse hominis principatus quod ei nec elementa mundi, ut velit seruant: sed quoque etiam usque ad interitum dominantur.

TE R T I U M est amissi principatus argumentum, quod nec ipsa quidem elementa mundi huius eam, ad quam diuinitus instituta sunt, exhibeant homini per omnia seruitutem. Etenim creatus fuerat homo, condito iam orbe; non ut quasi vilissimus ultimum in locum videretur esse reiectus: verum ut tanquam princeps ac dominus preparatus sibi in regnum ac domicilium introduceretur: ubi subseruiretur ad numerum uniuersa, & subiecta quæque res promptissime suos usus cum expeterentur exhibens, congruum præberet domino pro sua naturæ gradu famulatum. Faciamus, ait Deus, hominem ad imaginem & similitudinem nostram, & præsit piscibus maris, & volatilibus

cæli